

Ulloq 25. April 2017

**Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat nr. xx, xx. xx 2017-imeersoq (Sulisunut inissiamik tigusinissamut ukiunik 7-inik maleruagassaqarnermut allanngortitsineq)**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Saqqummiunneqartumut Siumumiit imaattumik oqaaseqassuugut.

Atorfeqartitaanermut tunngatillugu naliginnaasumik inissiami ineqartitaasimagaanni ullumikkut inatsisit atuuttut malillugit ajoraluartumik atorfeqarunnaarnermi allamilluunniit atorfeqaleraanni najugarisaq minnerpaamik ukiut arfineq marluk najoreersimangikkaanni qimanneqartariaqarpoq.

Tamanna pingaartumik inoqarfinni inissaaleqiffiussuni aallaannartariaqalernermik kinguneqartarpoq naak najukkani inuit pineqartut pisariaqartilluinnarsinnaasaraluarlutigit.

Atorfeqarnermut atatillugu inissiaq najugarisaq ukiut tallimat qaangiunnerini naliginnaasumik attartukkatut tiguneqartalerpat inuit pisariaqartitat najukkani assigiinngitsuniittut uninngannarsinnaanerat qulakkeerneqarsinnaasutut isigalugu siunnersuut Siumumiik akerlerinnginnatsigu oqaatigissuarput.

Siumumiilli aamma suliap aappasaanneerneqannginnerani assigiinngitsumik pinnittoqannginnissaa qulakkeeniarlugu allannguinnisaq misissorluarneqassasoq.

Taamatut oqaaseqarluta appasaanneerneqarnissaanut innersuussivugut.

Jess Svane  
Siumut